

## ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

### ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՅՈՑ ՁՈՐԻ ՄԱՐԶՊԵՏԱՐԱՆԻ ԵՎ «ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՐՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ» ՀԻՄՆԱԴՐԱՄԻ ՄԻՋԵՎ

**Հաշվի առնելով**, որ Կողմերն ընդունում են փոխադարձ համագործակցությունը և պետություն, կրթություն, տնտեսություն եռամիասնության ապահովման ձգտումը.

**Կարևորելով** պրակտիկ հետազոտությունների համատեղ իրականացումը և արդյունքների ներդրումը ի շահ Հայաստանի Հանրապետության.

**Ընդունելով** Կողմերի պատրաստակամությունը պրակտիկ համատեղ հետազոտությունների իրականացման, ուսանողների պրակտիկաների կազմակերպման, համատեղ գիտական միջոցառումների կազմակերպման համատեքստում.

**Հիմք ընդունելով** սույն հուշագիրը և փոխադարձ պայմանավորվածությունները.

**Կողմերը համաձայնեցին հետևյալի շուրջ՝**

#### 1. Համագործակցության նպատակը

Սույն հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

#### 2. Համագործակցության ուղղությունները

2.1 Սույն հուշագրով համագործակցության շրջանակներում Հայաստանի Հանրապետության Վայոց Ձորի մարզպետարանը (այսուհետ՝ Մարզպետարան) «Հայաստանի ֆիզիկական կուլտուրայի և սպորտի պետական ինստիտուտ» հիմնադրամին (այսուհետ՝ Ինստիտուտ) ներկայացնում է մարզային խնդիր կապված մարզային դպրոցներում և մարզադպրոցներում դասավանդման, ֆիզիկական կուլտուրայի արդյունավետության բարձրացման, հանրային առողջության քարոզչության հետ, իսկ Ինստիտուտն էլ պատրաստակամ է ընդունելու այդ խնդիրները և գիտական հենքի հիման վրա ձևավորել մագիստրոսական թեզերի, ատենախոսությունների և այլ գիտագործնական աշխատանքների թեմաներ մասնագիտացված ամբիոններում:

2.2 Ինստիտուտը պատրաստակամ է պրակտիկ թեմաները առաջարկել ուսանողներին՝ ամբիոններում և տեղերում հետազոտություններ իրականացնելու, իսկ Մարզպետարանը պատրաստակամ է գործուն և առարկայական աջակցություն ցուցաբերել հետազոտություն իրականացնող Ինստիտուտի սովորողներին:

2.3 Սույն հուշագրով Կողմերը համագործակցում են նաև.

2.3.1 համատեղ խորհուրդների ձևավորման և Կողմերի լիազորված աշխատակիցների միջոցով մարզպետարանում պաշտպանությունների կազմակերպման և հետազոտողներին տվյալ ոլորտում աշխատանքի անցնելուն աջակցման հարցերի շուրջ,

2.3.2 նորարարական, դրամաշնորհային ծրագրերի համատեղ իրականացման շուրջ,

- 2.3.3 գիտական համաժողովների, սեմինարների, խորհրդակցությունների կազմակերպման միջոցով,
- 2.3.4 սույն հուշագրից բխող համապատասխան նյութերի հրատարակման,
- 2.3.5 սույն հուշագրի գործողության շրջանակներում Կողմերի գործառույթների կատարման համար, ըստ աշխատանքային անհրաժեշտության, մարզաբազաների, տարածքների, գույքի օգտագործման հնարավորության և իրավասության սահմաններում,
- 2.3.6 երկկողմանի հետաքրքրություն ներկայացնող ուսումնակրթական բնույթի ծրագրերի, այդ թվում՝ համապատասխան ոլորտներում հետազոտությունների իրականացման,
- 2.3.7 համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցելու և ստանալու,
- 2.3.8 երկկողմանի հետաքրքրություն ներկայացնող՝ Հայաստանի Հանրապետության օրենսդրության շրջանակներում Կողմերի գործունեությանը և մասնագիտացմանն առնչվող գիտագործնական, ինչպես նաև մասնագիտական և կազմակերպական բնույթի այլ ուղղություններով:

### 3. Համագործակցության սկզբունքները

Կողմերը սույն հուշագրի սահմաններում իրենց գործառույթներն իրականացնում են օրինականության, փոխօգնության, համագործակցության սկզբունքներով:

### 4. Եզրափակիչ դրույթներ

- 4.1 Սույն Հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:
- 4.2 Սույն հուշագրի լրացումներն ու փոփոխությունները համարվում են հուշագրի անբաժանելի մասը:
- 4.3 Սույն հուշագիրը չի առաջացնում ֆինանսական պարտավորություններ Կողմերի համար:
- 4.4 Յուրաքանչյուր կողմ կարող է միակողմանիորեն խզել հուշագիրը՝ այդ մասին մեկ ամիս առաջ տեղյակ պահելով մյուս կողմին:
- 4.5 Սույն հուշագիրը կնքվել է Եղեգնաձոր քաղաքում, 2020թ. սեպտեմբերի 19-ին:
- 4.6 Սույն հուշագիրը ուժի մեջ է մտնում ստորագրման պահից և գործում անժամկետ:

### Կողմերի վավերապայմանները և ստորագրությունները

#### Մարզպետարան

Հայաստանի Հանրապետության  
Վայոց Ձորի մարզպետարան  
ք. Եղեգնաձոր, Շահումյան 5  
Մարզպետ Արարատ Գրիգորյան



ստորագրություն, Կ.Տ.

#### Ինստիտուտ

Հայաստանի ֆիզիկական կուլտուրայի և  
սպորտի պետական ինստիտուտ  
ք. Երևան, Ալեք Մանուկյան 11  
Ռեկտորի ժ/պ Դավիթ Բոխթադյան



ստորագրություն, Կ.Տ.